

કમલાઞ્જલિ

૧. કમલાસન કમલાપતિ પમથાધિપ વજિરા,
યુધદાનવ મનુજોરગ ભુજગાસન પતિનં;
મકુટાહિત મનિદીધિતિ ભમરાવલિ ભજિતં,
પણમા'મહં અનઘં મુનિ ચરણામલ કમલં.
૨. કમલાલય સદિ'સક્લિત કલમજ્જલ રુચિરં,
જુતિરઞ્જિતં અભિનિજ્જિત સુભકચ્ચન નલિનં;
જનિતા ચિર સમયે નિજ પિતુ ભૂપતિ નમિતં,
પણમા'મહં અનઘં મુનિ ચરણામલ કમલં.
૩. સરણાગત રજનીપતિ દિનસેખર નમિતં,
ભજિતાભિલ જનપાવનં અભિકક્લિત સુખદં;
વસુધાતલ સયમુગ્ગાત સરસીરુહ મહિતં,
પણમા'મહં અનઘં મુનિ ચરણામલ કમલં.
૪. દિરદાસન તરુપન્તિક ઘટિતાસનં અભયં,
વિજયાસન સમધિક્લિત ચતુરઙ્ગિક વિરિયં;
ધરમાનક સુરિયેહનિ વિજિતન્તક ધજિનિં,
પણમા'મહં અભિપાતિત નમુચિદ્ધજ વિભવં.
૫. સદયોદિત પિયભારતિ વિજિતન્તક સમરં,
દસપારમિ બલકમ્પિત સધરાધર ધરનિં;
ગિરિમેખલ વરવારન સિરસાનત ચરણં,
પણમા'મહં અભિનન્દિત સનરામર ભુવનં.
૬. નિખિલાસવ વિગમે'નતિવિમલીકત હૃદયં,
તદનન્તર વિદિતાભિલ મતિગોચર વિસયં;
વિસયીકત ભુવનત્તયં અતિલોકિય ચરિતં,
પણમા'મહં અપરાજિતં અરહં મુનિં અસમં.
૭. મુદ્દુભારતિ મધુપાસિત નલિનોપમ વદનં,
રુચિરાયત નલિનીદલ નિભ લોચન યુગલં;
ઉદયોદિત રવિમણ્ડલ જલિતામલ નિટિલં,

પણમા'મહ અકુતોભયં અનઘં મુનિ પમુખં.

૮. અસિતમ્બુદ રુચિકુચિત મુદ્દ કુન્તલ લલિતં,
ભુવનોદર વિતતામિત જુતિસન્નય જલિતં;
મદમોદિત દિરદોપમ ગતિવિબ્ભમ રુચિરં,
પણમા'મહં અમતન્દદ મુનિપુજ્જવં અસમં.
૯. કરુણારસ પરિભાવિત સવણામત વચનં,
વિરુદાવલિ સતઘોસિત યસપૂરિત ભુવનં;
સુમનોહર વરલક્ષ્મણ સિરિસન્નય સદનં,
પણમા'મહં ઉદિતામલ સસિમણ્ણલ વદનં.
૧૦. વિનયારહ જનમાનસ કુમુદાકર સસિનં,
તસિનાપગ પરિસોસન સતદીધિતિ તુલિતં;
તમનાસવ મુનિસેવિતં અપલોકિત સુખદં,
પણમા'મહં અનિકેતનં અખિલાગતિ વિગતં.
૧૧. સહિતાખિલ ભયભેરવં અભયાગત સરનં,
અજરામર સુખદાયકં અનિરાકત કરુણં;
તમુપાસક જનસેવિત સુપતિઠિત ચરણં,
પણમા'મહં અહિતાપહં અનધુત્તમ ચરણં.
૧૨. કરુણામત રસપુરિત વીમલાખિલ હૃદયં,
વિહિતામિત જનતાહિતં અનુકમ્પિત ભુવનં;
ભુવને સુતં અવનીપતિ સત સેવિત ચરણં,
પણમા'મહં અનઘં મુનિં અઘનાસન ચતુરં.
૧૩. અરતીરતિ પરિપીલિત યતિમાનસ દમનં,
નિજસાસન વિનિવારિત પુથુતિત્થિય સમણં;
પરવાદિક જનતાકત પરિભાસિત ખમનં,
પણમા'મહં અતિદેવત વર ગોતમ સમણં.
૧૪. સરણાગત ભયનાસન વજિરાલય પણિભં,
ભવસાગર પતિતામિત જનતારન નિરતં;
સિરસાવહં અમલઞ્જલિ પુટપક્કજ મકુલં,
પણમા'મહં અખિલલાય વિગતં મુનિં અતુલં.
૧૫. વિમલીકત જનમાનસ વિગતાસવ ભગવં,

ભવપારગ વિભવામત સુખદાયક સતતં;
પરમાદર ગરુગારવ વિનતં જિન પયતં,
પદપક્ષ્જ રજસા મમ સમલક્ષુરુ સિરસં.

૧૬. પવનાહત દુમપલ્લવં ઇવ નારત ચપલં,
ભવલાલસ મલિનીકતં અજિતિન્નિય નિવહં;
ચિર સચ્ચિત દુરિતાહતં અનિવારિત તિમિસં,
વિમલીકુરુ કરુણાભર સુતરં મમ હદયં.

૧૭. અદયે દયં અનયે નયં અપિ યો ગુણં અગુણે,
અહિતે હિતં અકરો ક્વચિદ અપિ કેનચિ નકતં;
સદયે જિન સુનયે ગુણસદને તયિ નિતરં,
સુહિતે હિતચરિતે'નધ રમતે મમ હદયં.

૧૮. ભવસક્લટ પતિતેનપિ ભવતા ચિર ચરિતં,
વિસમે સમ ચરણં ખલુ દસપારમિ ભરણં;
સરતો'હનિ સરતો નિસિ સુપિનેનપિ સતતં,
રમતે જિન સુમતે ત્વચિ સદયં મમ હદયં.

૧૯. અતિદુઃખં અદદી ભવં અતિદુઃકરં અકરી;
અતિદુઃખમં અખમી વત કરુણાનિધિ'રસમો,
ઇતિ તે ગુણં અનઘં મુનિ સરતો મમ હદયં,
રમતે'હનિ રમતે નિસિ રમતે ત્વચિ સતતં.

૨૦. અતિદુઃખ્યં અચરી ભવં અતિદુઃખમં અદમી,
અતિદુઃખ્યં અદયી વત સદયાપર હદયો;
ઇતિ તે ગુણં અનઘં મુનિ સરતો મમ હદયં,
રમતે'હનિ રમતે નિસિ રમતે ત્વચિ સતતં.

૨૧. અતિદુઃખમં અગમી ભવં અતિદુઃખ્યં અજયી,
અતિદુઃસહં અસહી વત સમુપેક્ષિત મનસો;
ઇતિ તે ગુણં અનઘં મુનિ સરતો મમ હદયં,
રમતે'હનિ રમતે નિસિ રમતે ત્વચિ સતતં.

૨૨. અતિદારુન પલયાનલ સદિસાનલ જલિતે,
નિરયે વિનિપતિતો ચિરં અઘતાપિત મનસો;
ન સરિં સકિદ અપિ તે પિત ભજિતું પદનલિનં,
ખમ ગોતમ નરસારથિ તમિદં મમ ખલિતં.

૨૩. તિરિયગ્ગાત-ગતિયં ચિરં અનવદ્ધિત ચરિતો,
અતિનિક્કર વધતજ્જિત ભયકમ્પિત હૃદયો;
ન સરિં સકિદપિ તે પિત ભજિતું પદનલિનં,
ખમ ગોતમ પુરિસુત્તમ તમિદં મમ ખલિતં.
૨૪. પરિદેવન નિરતો ચિરં અથ પેત્તિય વિસયે,
સુજિઘચ્છિત સુપિપાસિત પરિસોસિત જઠરે;
ન સરિં સકિદપિ તે પિત ભજિતું પદનલિનં,
ખમ ગોતમ દિપદુત્તમ તમિદં મમ ખલિતં.
૨૫. વિવસો ભુસં અઘદ્દસિત મનસાસુર વિસયે,
જનિતો ધનતિમિરે ચિરં અતિદુક્ખિત હૃદયો;
ન સરિં સકિદપિ તે પિત ભજિતું પદનલિનં,
ખમ ગોતમ વસિસત્તમ તમિદં મમ ખલિતં.
૨૬. મનસા ચિર વિહિતં સરં અતિકિબ્બિસ ચરિતં,
સમથેનથ સુવિરાજિય તં અસઙ્ગિતં ઉપગો;
ન સરિં સકિદ અપિ તે પિત ભજિતું પદ નલિનં,
ખમ ગોતમ વસિપુજ્જવ તમિદં મમ ખલિતં.
૨૭. વિજિગુચ્છિય દુરિતં નિજ વપુસા કતં અમિતં,
તનુ વજ્જિતં ઉપગો ભવં છહ ભાવિત સમથો;
ન સરિં સકિદપિ તે પિત ભજિતું પદનલિનં,
ખમ ગોતમ યતિકુઞ્ઞર તમિદં મમ ખલિતં.
૨૮. રતનત્તય રહિતે ભુસ બહુલીકત દુરિતે,
જનિતો પરવિસયે બુધજન નિન્દિય ચરિતે;
ન સરિં સકિદપિ તે પિત ભજિતું પદનલિનં,
ખમ ગોતમ કરુણાનિધિ તમિદં મમ ખલિતં.
૨૯. જનિતો યદિ મનુજેસુપિ વિકલિન્નિય નિવહો,
તનુના કરચરણાદિહિ વિકતે'નિહ દુખિતો;
ન સરિં સકિદપિ તે પિત ભજિતું પદનલિનં,
ખમ ગોતમ મતિસાગર તમિદં મમ ખલિતં.
૩૦. વિધિનાહિત મતિભાવન રહિતો તમપિહિતો,
વિસદેસુપિ કુસલાદિસુ તથદસ્સન વિમુખો;
ન સરિં સકિદપિ તે પિત ભજિતું પદનલિનં,

ખમ ગોતમ નરકેસરિ તમિદં મમ ખલિતં.

૩૧. સુચિરેનપિ ભુવિ દુલ્લભં અસમં ખણં અલભં,
સનરામર જનતાહિત સુખદં મુનિ જનનં;
ન સરિં સકિદપિ તે પિત ભજિતું પદનલિનં,
ખમ ગોતમ વદતંવર તમિદં મમ ખલિતં.

૩૨. નિસિતાયુધ વધસજ્જિત ખળનિદ્ય હદયો,
પરહિંસન રુચિ ભિંસન યમસોદર સદિસો;
ન સરિં સકિદપિ તે પિત ભજિતું પદનલિનં,
ખમ ગોતમ મુનિસત્તમ તમિદં મમ ખલિતં.

૩૩. પરસન્તક હરણે કતમતિ બચ્ચન બહુલો,
ધરસન્ધિક પરિપન્થિક સહસાકતિ નિરતો;
ન સરિં સકિદપિ તે પિત ભજિતું પદનલિનં,
ખમ ગોતમ મુનિપુજ્જવ તમિદં મમ ખલિતં.

૩૪. નવયોબ્બન મદગબ્બિત પરિમુચ્છિત હદયો,
સુચિસજ્જન વિજિગુચ્છિય પરદારિક નિરતો;
ન સરિં સકિદપિ તે પિત ભજિતું પદનલિનં,
ખમ ગોતમ કરુણાભર તમિદં મમ ખલિતં.

૩૫. મદિરાસવરત નાગરજન સન્તત ભજિતો,
ગરુગારવ હિરિદ્ધરિત તિરિયગ્ગત ચરિતો;
ન સરિં સકિદપિ તે પિત ભજિતું પદનલિનં,
ખમ ગોતમ વિહતાસવ તમિદં મમ ખલિતં.

૩૬. સપિતામહ પપિતામહ નિચિતં ધનં અમિતં,
પિતુસચ્ચિતમપિ નાસિય કિતવો હતવિભવો;
ન સરિં સકિદપિ તે પિત ભજિતું પદનલિનં,
ખમ ગોતમ વિજિતન્તક તમિદં મમ ખલિતં.

૩૭. વિતથાલિક વચનો પરપિયસુચ્ચત કરણો,
ફરુસં ભણં અતિનિષ્ફલ બહુભાસન નિપુણો;
ન સરિં સકિદપિ તે પિત ભજિતું પદનલિનં,
ખમ ગોતમ ભુવનેસુત તમિદં મમ ખલિતં.

૩૮. પરસમ્પદં અભિઝાયન નિરન્તર દુખિતો,

નભિરજ્ઞન પરમો ક્વચિ ફલદસ્સન રહિતો;
ન સરિં સકિદપિ તે પિત ભજિતું પદનલિનં,
ખમ ગોતમ ગુણસાગર તમિદં મમ ખલિતં.

૩૯. ભવતો ભવં અપરાપરં અયતાચિરં ઇતિ મે,
વપુસા અથ વચસાપિ ચ મનસા કતં અમિતં;
ખમ ગોતમ દુરિતાપહ દુરિતં બહુવિહિતં,
દદ મે સિવપદં અચ્યુતં અમતં ભવવિગતં.

૪૦. તિમિરાવુત કુણપાકુલ વિજિગુચ્છિય પવને,
જનિકાસુચિ જઠરે બહુ કિમિસન્તતિ સદને;
અસચિં ભવગહણે ચરં અહં અપ્પટિસરણે,
સરણં ભવ ભગવં મમ ભવનીરધિ તરણે.

૪૧. બહિ નિક્ખમં અસકિં ભગતિરિયં પથ પતિતો,
અગદક્કર કત સલ્લક સતખણ્ણિત કરણો;
અમરિં ભવગહણે ચરં અહં અપ્પટિસરણે,
સરણં ભવ ભગવં મમ ભવનીરધિ તરને.

૪૨. પતિતો બહિ રતિપિલ્લક તનુરામય મથિતો,
વદિતું કિમુ વિદિતુમ્પિ ચ ન સહં મતિરહિતો;
અમરિં ભવગહણે ચરં અહં અપ્પટિસરણે,
સરણં ભવ ભગવં મમ ભવનીરધિ તરણે.

૪૩. જનિતો યદિ સુખિતો જનદયિતો પિયજનકો,
પુથુકો બહુવિધ-કીલનનિરતો ગદગહિતો;
અમરિં ભવગહણે ચરં અહં અપ્પટિસરણે,
સરણં ભવ ભગવં મમ ભવનીરધિ તરણે.

૪૪. તરુનોપિ હિ ઘરબન્ધન ગથિતોમિત વિભવો,
સહસા ગદગહિતો પિયભરિયાસુત વિયુતો;
અમરિં ભવગહણે ચરં અહં અપ્પટિસરણે,
સરણં ભવ ભગવં મમ ભવનીરધિ તરણે.

૪૫. અજરં તનું અભિમઞ્ઞિય નવયોબ્બન વસિકો,
જરસા પરિમથિતો પરં અનનુકિત કુસલો;
અમરિં ભવગહણે ચરં અહં અપ્પટિસરણે,
સરણં ભવ ભગવં મમ ભવનીરધિ તરણે.

૪૬. નિરુજો ધુવં અરુજં તનું અભિમઞ્ચિય સમદો,
કુસલાસય વિમુખો ભુસં અવસો ગદનિહતો;
અમરિં ભવગહણે ચરં અહં અપ્પટિસરણે,
સરણં ભવ ભગવં મમ ભવનીરધિ તરણે.

૪૭. પવિચિન્તિય સકજીવિતં અમરં ધુવં અનિધં,
ઇતિ જીવિતમદગબ્બિત મતિરુજ્જિત કુસલો;
અમરિં ભવગહણે ચરં અહં અપ્પટિસરણે,
સરણં ભવ ભગવં મમ ભવનીરધિ તરણે.

૪૮. પરહિંસન ધનમોસન પરદારિક નિરતો,
ધરનીપતિ ગહિતો બહુ વધબન્ધન નિહતો;
અમરિં ભવગહણે ચરં અહં અપ્પટિસરણે,
સરણં ભવ ભગવં મમ ભવનીરધિ તરણે.

૪૯. નરકોદક પતિતો ગિરિતરુમત્થક ગલિતો,
મિગવાળક ગહિતો વિસધર જાતિહિ ડસિતો;
અમરિં ભવગહણે ચરં અહં અપ્પટિસરણે,
સરણં ભવ ભગવં મમ ભવનીરધિ તરણે.

૫૦. અભિચારક વિધિકોપિત નિસિચારક ગહિતો,
સવિસોદન સહસાદન પભુતીહિ ચ ખલિતો;
અમરિં ભવગહણે ચરં અહં અપ્પટિસરણે,
સરણં ભવ ભગવં મમ ભવનીરધિ તરણે.

૫૧. સયમેવય સજનોપરિ કુપિતો મતિવિયુતો,
સવિસાદન ગલકન્તન પભુતામિત ખલિતો;
અમરિં ભવગહણે ચરં અહં અપ્પટિસરણે,
સરણં ભવ ભગવં મમ ભવનીરધિ તરણે.

૫૨. પિતુપૂજન નિરતાસય સુખિતો પિતુદયિતો,
મરણેનય પિતુનો ભુસં અનુસોચન નિરતો;
પરુદિં ચિરં અતિદુસ્સહ કસિરે ભવગહણે,
સરણં ભવ ભગવં મમ ભવનીરધિ તરણે.

૫૩. સમુપક્રિય જનિકં નિજં અભિવાદન પરમો,
મરણેનય જનિકાયનુસરિતા ગુણમહિમં;
પરુદિં ચિરં અતિદુસ્સહ કસિરે ભવગહણે,

સરણં ભવ ભગવં મમ ભવનીરધિ તરણે.

૫૪. ગુરુદેવત પતિમાનન પરમો પિયસુવયો,
સમુપાસિતચરણો ગુરુમરણેનતિદુખિતો;
પરુદિં ચિરં અતિદુસ્સહ કસિરે ભવગહણે,
સરણં ભવ ભગવં મમ ભવનીરધિ તરણે.

૫૫. ધરમેધિતં ઉપગોમિતવિભવો રતિબહુલો,
મરણે પિયભરિયાસુતદુહિતૂ'નતિકરુણં;
પરુદિં ચિરં અતિદુસ્સહ કસિરે ભવગહણે,
સરણં ભવ ભગવં મમ ભવનીરધિ તરણે.

૫૬. પિયપુબ્બજ સહજાનુજ ભગિણિદ્વય મરણે,
નિજ બન્ધવ-સખ-સિસ્સક મરણે પ્યતિકરુણં;
પરુદિં ચિરં અતિદુસ્સહ કસિરે ભવગહણે,
સરણં ભવ ભગવં મમ ભવનીરધિ તરણે.

૫૭. જગતીપતિ ગહણા રિપુજનતક્કર હરણા,
સરિતોદક વહણા પુથુજલિતાનલ દહણા;
પરુદિં હતવિભવો ચિરમિહ દુઝાતિગહણે,
સરણં ભવ ભગવં મમ ભવનીરધિ તરણે.

૫૮. અતિદુઝામ વિસમાકુલ ભવસક્કટ પતિતે,
બ્યસનં ચિરમિતિ દુસ્સહં અનુભૂયપિ વિમિતં;
ન જહે સુખલવવચ્ચિતહદયો ભવતસિનં,
તમપાકુરુ કરુણાનિધિ તસિનં મમ કસિણં.

૫૯. જનનાવધિ મરણં વિય મરણાવધિ જનનં,
ઉભયેનપિ ભયમેવહિ ભવતો મમ નિયતં;
સિવમેવય જનનાવધિ મરણાવધિ રહિતં,
દદ મે સિવં અમતન્દદ તં અનાસવ ભગવં.

૬૦. ચિરદિક્ખિતમપિ મે મનં અનિવારિત તસિનં,
ભવતો ભવ રતિપીલિતં અહહો કલિઘટિતં!
તમતો પિત ભયતો મમમવ મે ભવ સરણં,
ભગવં પટિસરણં મમ ભવનીરધિ તરણં.